



KENYATAAN MEDIA CO-OPBANK PERTAMA
9 Januari 2023

RAIH MATA GANJARAN MESRA DI AR-RAHNU CBP

1. Para pelanggan yang mendapatkan pembiayaan Ar-Rahnu Co-opbank Pertama (CBP) akan menerima mata ganjaran PETRONAS Mesra menerusi kerjasama strategik yang telah dimeterai di antara CBP dan PETRONAS Dagangan Berhad (PDB) bermula 16 Januari 2023.
2. Ketua Pegawai Eksekutif CBP, Encik Khairil Anuar Mohamad Anuar berkata, menerusi kerjasama ini, ahli program kesetiaan PETRONAS Mesra layak menebus mata ganjaran yang terkumpul di stesen PETRONAS termasuk Kedai Mesra, atau melalui aplikasi Setel yang menawarkan pelbagai barang dalam katalog penebusan Mesra.
3. "Pelaksanaan kolaborasi strategik CBP dan PDB ini adalah bagi menarik minat pelanggan untuk mendapatkan pembiayaan Ar-Rahnu CBP disamping untuk mereka mendapatkan mata ganjaran Mesra melalui program kesetiaan PETRONAS Mesra bagi setiap gadaian emas mereka di CBP."
4. "Selain itu, menerusi kolaborasi ini, ianya secara tidak langsung dapat meningkatkan kesedaran jenama CBP dengan penyenaraian CBP di dalam portal rasmi PDB di www.mymesra.com selaku rakan kerjasama," katanya menerusi satu kenyataan, hari ini.
5. Jelas beliau, ahli Mesra yang juga merupakan pelanggan Ar-Rahnu CBP akan menerima mata ganjaran Mesra bagi setiap penyelesaian pembiayaan Ar Rahnu. Pelanggan Ar-Rahnu CBP akan menerima satu (1) mata ganjaran Mesra bagi setiap RM300 nilai gadaian yang dilakukan di Ar-Rahnu CBP.
6. Tambahnya lagi, bagi pelanggan CBP yang belum menjadi ahli program kesetiaan Mesra, mereka boleh mendaftar menerusi aplikasi Setel dan mata ganjaran Mesra akan dikreditkan ke akaun Mesra pelanggan.
7. Khairil Anuar turut berkata, kerjasama yang dijalankan ini merupakan satu nilai tambah yang diberikan kepada pelanggan-pelanggan CBP dan CBP juga turut merancang untuk menjalankan kerjasama strategik dengan pihak lain untuk memberi manfaat kepada pelanggan-pelanggan CBP.

-TERIMA KASIH-

Mengenai Co-opbank Pertama

Co-opbank Pertama (CBP) telah ditubuhkan pada 7 Jun 1950. Pada September 2014, CBP telah diiktiraf oleh Suruhanjaya Koperasi Malaysia dan Bank Negara Malaysia sebagai sebuah co-opbank. CBP mempunyai 29 buah cawangan di seluruh negara termasuk Sabah dan Sarawak. CBP menawarkan pelbagai produk perbankan patuh Syariah termasuk perkhidmatan Ar-Rahnu. Untuk maklumat lanjut, sila layari www.cbp.com.my.

Untuk maklumat lanjut, sila hubungi

Jabatan Strategi dan Komunikasi Korporat, Co-opbank Pertama
jskk@cbp.com.my